



9. juni 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

**Naalakkersuisunut apeqquteqaatit:**

- 1. Qillertuusanik, plastikkinik aammalu gas-mik puiaasalinnik killilersornertaqanngitsumik puiaasanik utertitsisarnermut aaqqissuussamik atuutilersitsisoqartuuppat, taamaasillunilu tunisassiortunut puiaasanik killilersornertaqanngitsumik tunisassiulersinaanissaanut pisortanut aningaasatigut allaffissornikkullu qanoq kinguneqassagaluarpa?**
- 2. Qillertuusanik, plastikkinik aammalu gas-mik puiaasalinnik killilersornertaqanngitsumik puiaasanik utertitsisarnermut aaqqissuussamik atuutilersitsisoqartuuppat, taamaasillunilu tunisassiortunut puiaasanik killilersornertaqanngitsumik tunisassiulersinaanissaanut namminersorlutik ingerlatsisunut aningaasatigut allaffissornikkullu qanoq kinguneqassagaluarpa?**
- 3. Qillertuusanik, plastikkinik aammalu gas-mik puiaasalinnik killilersornertaqanngitsumik puiaasanik utertitsisarnermut aaqqissuussamik atuutilersitsisoqartuuppat, taamaasillunilu tunisassiortunut puiaasanik killilersornertaqanngitsumik tunisassiulersinaanissaanut innuttaasunut aningaasatigut allaffissornikkullu qanoq kinguneqassagaluarpa?**
- 4. Copenhagen Economics<sup>1</sup> puiaasanut killilersuinertaqanngitsumik aaqqiisoqassagaluarpat Kalaallinut atuisunut immiaaqqat sodavandinullu akikinnerulersinnaanerat Naalakkersuisuniit isumaqatigineqarnerluni? Akissut tunngavilersorneqarnissaa kissaatigineqarpoq.**
- 5. Naalakkersuisut sammisamut allanik paasissutissiisinaanerluni??**

(Inatsisartunut ilaasortaq Jens-Frederik Nielsen, Demokraatit)

**Tunngavilersuut**

Immiaaqqat imeruusaatillu kulsyrimik akullit puui pillugit nalunaarut maanna ukiorpaalunngortuni liberaliserneqarnissaa eqqartorsimalerparput, kisianni suliaq kigaappallaarujussuarpoq. Kingullertigut aningaasanut inatsimmi isumaqatigiissutaavoq Naalakkersuisut puiaasanut utertitsisarnermi aaqqissuussamik nutaaliortoqarnissaanut eqqarsaat inaarsassagaat, taamatuttaarlu aalajangiiffiginissaanut atuutsinneqalernissaanullu periusissiamik anguniagaqartoqalernissaanut qulakkeerinnittussamik. Isumaqarpunga niuerneq killilersorneqanngitsoq sukkanerpaamik pilersinnissaa eqqortuusoq, taamaasilluni Kalaallit atuisut immiaaqqat sodavandillu toqqagassaata amerlanerusut periarfissagilerlugit. Taamatuttaarlumi ullumikkormit akikinnerulertussanik.

---

<sup>1</sup> Konkurrencen og Returpantssystemet i Grønland (Copenhagen Economics)



**DEMOKRAATIT**  
DEMOKRATERNE

Apequtit ullut qulit sulffiusut iluanni akineqareersimanissaat kissaatigaara.